
Bosna i Hercegovina
Federacija Bosne i Hercegovine
Tuzlanski kanton
Javna ustanova
Služba za zapošljavanje
Tuzlanskog kantona
Tuzla



Bosnia and Herzegovina
Federation of Bosnia and Herzegovina
Tuzla Canton
Public Institution
Employment Service
of Tuzla Canton
Tuzla

PROGRAM
sufinansiranja zapošljavanja
doktora medicine
2024

Tuzla, mart 2024. godine

SADRŽAJ

1. OSNOV ZA DONOŠENJE.....	2
2. CILJ PROGRAMA	2
3. CILJNA GRUPA	2
4. KORISNICI	2
5. NAČIN SUFINANSIRANJA.....	3
6. PRIPREMA ZA REALIZACIJU PROGRAMA.....	3
7. JAVNI POZIV.....	3
8. OBRADA PRISTIGLIH PRIJAVA/ZAHTJEVA.....	4
9. ODOBRAVANJE PRIJAVA/ZAHTJEVA.....	5
10. ZAKLJUČIVANJE UGOVORA	5
11. PRAVDANJE I ISPLATA UGOVORENIH SREDSTAVA.....	5
12. OPĆE NAPOMENE	6
13. KONTROLA I PRAĆENJE IZVRŠENJA UGOVORNIH OBAVEZA.....	6
14. INDIKATORI ZA NADGLEDANJE I OCJENU USPJEŠNOSTI EFEKATA.....	6
a) Ulazni podaci.....	6
b) Podaci o aktivnostima - Izlazni podaci.....	7
PRIJAVA	8
PRIJAVA/ZAHTJEV	9

1. OSNOV ZA DONOŠENJE

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, broj: 41/01, 22/05 i 9/08), Strategijom razvoja Tuzlanskog kantona 2021. – 2027. („Službene novine Tuzlanskog kantona“, broj: 9/21), Finansijskim planom JU Služba za zapošljavanje TK za 2024. godinu, Programom rada JU Služba za zapošljavanje TK za 2024. godinu, Projektom sufinansiranja zapošljavanja doktora medicine na području Tuzlanskog kantona usvojen od strane Upravnog odbora Zavoda za zapošljavanje, Odlukom broj: 01/1-45-934/24 S.D. od 05.03.2024. godine, Sporazumom o međusobnoj saradnji o realizaciji „Projekta sufinansiranja zapošljavanja doktora medicine sa područja Tuzlanskog kantona“, članom 9. Pravilnika o mjerama za poticaj zapošljavanja JU Služba za zapošljavanje TK, broj: 01-02-41/18-66/12-2 od 27.12.2018. godine, sačinjen je „Program sufinansiranja zapošljavanja doktora medicine 2024“ (u daljem tekstu: Program).

Za realizaciju Programa potrebna su sredstva u iznosu od oko 4.500.000,00 KM. Federalni zavod za zapošljavanje (u daljnjem tekstu: Zavod) sufinansira dio Programa sufinansiranja zapošljavanja doktora medicine na području Tuzlanskog kantona 2024 u iznosu od 799.200,00 KM JU Služba za zapošljavanje TK (u daljnjem tekstu: Služba) sufinansira dio Programa sufinansiranja zapošljavanja doktora medicine na području Tuzlanskog kantona 2024 u iznosu od 1.198.800,00 KM Ostatak sredstava neophodnih za isplatu neto plaće i troškova doprinosa sufinansirane osobe isplaćivat će poslodavac sa kojim nezaposlena osoba zaključi ugovor o radu.

2. CILJ PROGRAMA

Program se realizira s ciljem ostvarenja općeg cilja zdravstvenog sistema, poboljšanja zdravlja stanovništva i zadovoljstva korisnika zdravstvenih usluga kroz univerzalnu, efikasnu, kontinuiranu, dostupnu, kvalitetnu i isplativu zdravstvenu zaštitu orijentiranu ka porodici i zajednici i baziranu na promociji zdravlja i prevenciji bolesti. Ovaj Program je usmjeren na unapređenje resursa u zdravstvenoj zaštiti.

Ključni resursi u sistemu zdravstvene zaštite su kadar, prostor i oprema.

Cilj ovog Programa je obezbijediti mladi stručni kadar u Javnim zdravstvenim ustanovama na području Tuzlanskog kantona.

3. CILJNA GRUPA

Ovim Programom planirano je podržati zapošljavanje 111 doktora medicine sa položenim stručnim ispitom, bez položenog specijalističkog ispita, prijavljenih na evidenciju nezaposlenih osoba JU Službe za zapošljavanje Tuzlanskog kantona na dan 31.12.2023. godine, koji se nalaze na evidenciji nezaposlenih osoba JU Službe za zapošljavanje TK i dan prije objave Javnog poziva.

4. KORISNICI

Korisnici ovog Programa su:

1. Nezaposlene osobe - doktori medicine koji imaju položen stručni ispit, bez položenog specijalističkog ispita, prijavljeni na evidenciju nezaposlenih osoba kod JU Službe za zapošljavanje Tuzlanskog kantona na dan 31.12.2023. godine, koji se nalaze na

evidenciji nezaposlenih osoba JU Službe za zapošljavanje TK i dan prije objave Javnog poziva.

2. Javne zdravstvene ustanove na području Tuzlanskog kantona.

U Programu ne mogu učestvovati:

1. Javne zdravstvene ustanove koje su koristile sredstva iz poticajnih mjera Zavoda/Službe, a nisu ispoštovali obaveze u skladu sa zaključenim ugovorima.
2. Javne zdravstvene ustanove koje ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa.
3. Javne zdravstvene ustanove koje su evidentirane u Registru novčanih kazni zbog neplaćenih novčanih kazni i troškova postupka, jer sa radnikom nisu zaključili ugovor o radu (rad na crno).
4. Privatne zdravstvene ustanove, laboratorije i sl.

5. NAČIN SUFINANSIRANJA

Programom je određeno sufinansiranje zapošljavanja doktora medicine, koji imaju položen stručni ispit, bez položenog specijalističkog ispita, na period od 12 mjeseci, prijavljenih na evidenciju Službe na dan 31.12.2023. godine, koji se nalaze na evidenciji nezaposlenih osoba JU Službe za zapošljavanje TK i dan prije objave Javnog poziva.

Programom je određeno sufinansiranje dijela troškova obaveznih doprinosa i/ili dijela neto plaće u iznosu do 1.500,00 KM mjesečno po osobi.

Od navedenog iznosa Federalni zavod za zapošljavanje će sufinansirati 600,00 KM, a JU Služba za zapošljavanje TK 900,00 KM mjesečno po osobi.

Ostatak sredstava neophodnih za isplatu neto plaće i troškova doprinosa sufinansirane osobe isplaćivat će Javne zdravstvene ustanove (U daljem tekstu: Poslodavci) sa kojim nezaposlena osoba zaključi ugovor o radu.

6. PRIPREMA ZA REALIZACIJU PROGRAMA

U okviru pripremne faze Programa provode se sljedeće aktivnosti:

- Služba priprema Program i dokumentaciju za realizaciju programskih aktivnosti (javne pozive, obrasce Prijave za učešće u Programu i drugu dokumentaciju)
- Služba informiše javnost putem web stranice Službe www.szztk.ba

7. JAVNI POZIV

Služba objavljuje dva javna poziva i to Javni poziv za nezaposlene osobe – doktore medicine i Javni poziv za poslodavce – Javne zdravstvene ustanove.

Služba objavljuje javne pozive na web stranici: www.szztk.ba, koji ostaju otvoreni 8 (osam) dana od dana objavljivanja.

Potrebna dokumentacija za učešće u Programu, koju podnose poslodavci – Javne zdravstvene ustanove:

- Popunjen, potpisan i ovjeren prijavni obrazac/zahtjev
- Broj glavnog bankovnog računa poslodavca u poslovnoj banci na koji će se sredstva doznačiti (kopija),
- Original ili ovjerena kopija Uvjerenja Porezne uprave Federacije BiH o izmirenim porezima i doprinosima, ne starija od mjesec dana od dana objave Javnog poziva ili Sporazuma s Poreznom upravom Federacije BiH o izmirenju duga po osnovu poreza i doprinosa.

Potrebna dokumentacija za učešće u Programu, koju podnose nezaposlene osobe - doktori medicine:

1. Popunjen i potpisan prijavni obrazac
2. Diploma o završenom medicinskom fakultetu (ovjerena kopija)

(Izuzetno, ukoliko nezaposlena osoba iz određenog razloga ne posjeduje univerzitetsku diplomu, može dostaviti ovjerenu kopiju uvjerenja o završetku studija odnosno diplomiranju koje ne može biti starije od roka potrebnog za izdavanje diplome, odnosno načelno ne može biti starije od jedne godine. U navedenom slučaju nezaposlene osobe koje se prijavljuju na Javni poziv, uz uvjerenje o završetku studiju odnosno diplomiranju moraju dostaviti i potpisano kratko obrazloženje – izjavu iz kojeg razloga dostavljaju uvjerenje, a ne diplomu, te ukoliko diploma nije izdata u predviđenom roku, isti moraju dostaviti potvrdu visokoškolske ustanove da diploma nije izdata.

Nezaposlene osobe koje su visoko obrazovanje stekle po Bolonjskom sistemu studiranja, uz diplomu dostavljaju i ovjerenu kopiju dodatka diplomi, a u skladu sa važećim propisima.

Izuzetno, u slučaju da visokoškolska ustanova dodatak diplomi nije uopće izdavala ni za jednog diplomca, kandidat je dužan da uz diplomu dostavi uvjerenje visokoškolske ustanove da dodatak diplomi nije uopšte izdat, niti za jednog diplomca.

Nezaposlene osobe koje su fakultet završile izvan Bosne i Hercegovine, odnosno koji su diplomu stekle u nekoj drugoj državi nakon 06.04.1992. godine, u obavezi su dostaviti ovjerenu kopiju nostrificirane/priznate diplome, u skladu sa važećim propisima.)

3. Dokaz o položenom stručnom ispitu (ovjerena kopija)
4. Dokaz o prosjeku ocjena i dužini trajanja studija (za nezaposlene osobe kojima nije izdat dodatak diplomi) (ovjerena kopija)
5. Potvrda o prebivalištu – obrazac PBA 3 – CIPS prijava (ne starije od mjesec dana od dana podnošenja prijave na Javni poziv (ovjerena kopija)

8. OBRADA PRISTIGLIH PRIJAVA/ZAHTJEVA

Direktor Službe imenuje komisiju koja provjerava kvalificiranost nezaposlenih osoba i poslodavaca za učešće u Programu na osnovu podataka iz prijave, drugih dokaza uz prijavu, vlastitih evidencija (prijava na evidenciju nezaposlenih, ispunjenost obaveza po ugovorima iz prethodnih godina i sl.)

Nakon izvršenih provjera komisija sačinjava Listu nezaposlenih osoba – doktora medicine i Listu Javnih zdravstvenih ustanova – poslodavaca koji ispunjavaju uslove Javnog poziva, kao i Listu nezaposlenih osoba – doktora medicine i Listu Javnih zdravstvenih ustanova –

poslodavaca koji ne ispunjavaju uslove Javnog poziva, te iste dostavlja direktoru na odobranje.

9. ODOBRAVANJE PRIJAVA/ZAHTJEVA

Direktor Službe donosi odluke o odobravanju listi predloženih od strane komisije, nakon čega se iste dostavljaju Ministarstvu zdravstva TK radi vršenja raspoređivanja nezaposlenih osoba – doktora medicine i poslodavaca – Javnih zdravstvenih ustanova.

Liste nezaposlenih osoba – doktora medicine i Liste poslodavaca – Javnih zdravstvenih ustanova se objavljuju na web stranici Službe www.szztk.ba

Nakon što nezaposlene osobe i poslodavci budu odobreni za učešće u Programu, Ministarstvo zdravstva TK će u skladu sa Naredbom o standardima i normativima zdravstvene zaštite iz obaveznog zdravstvenog osiguranja u Federaciji BiH („Službene novine Federacije BiH“, 82/14, 107/14 i 58/18) izvršiti raspoređivanje nezaposlenih osoba odobrenih za učešće u Programu u Javne zdravstvene ustanove koje su, također, odobrene za učešće u Programu.

Nakon što Ministarstvo zdravstva TK izvrši raspored nezaposlenih osoba i poslodavaca, konačne liste dostaviće Službi i Federalnom zavodu za zapošljavanje, i iste će biti objavljene na web stranici Službe www.szztk.ba i Vlade TK www.vladatk.kim.ba.

10. ZAKLJUČIVANJE UGOVORA

Nakon što Ministarstvo zdravstva TK izvrši raspored nezaposlenih osoba i poslodavaca, te konačne liste dostavi Službi, Služba putem maila, obavještava poslodavce da je zahtjev odobren i da najkasnije u roku od 30 (trideset) dana Službi dostave:

1. Kopija/e ugovora o radu za sufinansirane osobe, u skladu sa utvrđenom Listom od strane Ministarstva zdravstva TK
2. Kopija/e prijave na obavezna osiguranja u Poreznoj upravi Federacije BiH (obrazac JS 3100).

Služba priprema četiri (4) primjerka ugovora o sufinansiranju zapošljavanja i nepotpisane ugovore dostavlja poslodavcu na potpis uz napomenu da iste potpisane i ovjerene vrati Službi.

Nakon što poslodavac potpiše i ovjeri ugovore, Služba potpisuje i ovjerava sve primjerke ugovora, te zadržava dva (2) primjerka, a dva (2) vraća poslodavcu.

11. PRAVDANJE I ISPLATA UGOVORENIH SREDSTAVA

Poslodavac Službi, do kraja mjeseca za prethodni mjesec, dostavlja dokumentaciju za pravdanje sredstava, i to:

1. Kopiju Obrasca JS 2001 (ovjeren od Porezne uprave ili sa bar kodom),
2. Kopiju platne liste za sufinansirane osobe (potpisanu od strane sufinansirane osobe i poslodavca)
3. Kopiju izvoda iz banke iz kojih je vidljiva isplata pojedinačne neto plaće i doprinosa za sufinansiranu osobu ili u slučaju zbirne uplate plaća kopiju izvoda iz banke iz kojeg je vidljiv iznos zbirne uplate plaća uz spisak sufinanciranih osoba sa pregledom isplata pojedinačnih neto plaća ovjeren od poslodavca.

-
4. Najdalje do kraja mjeseca za prethodni mjesec Služba Zavodu dostavlja izvještaj (Obrazac ZI), te dokumentaciju kojom dokazuje opravdanost zahtjeva za uplatu/refundaciju sredstava.
 5. Na osnovu dostavljenog izvještaja za prethodni mjesec, Federalni zavod za zapošljavanje, putem Službe, poslodavcu refundira mjesečni iznos sredstava.

12. OPĆE NAPOMENE

U pogledu zaključivanja, trajanja i raskida ugovora o radu analogno se primjenjuju sljedeća pravila:

- Poslodavac može zaključiti ugovor o radu i izvršiti prijavu dodijeljene osobe na Poreznu upravu Federacije BiH – obrazac JS 3100, tek nakon što od Službe dobije obavještenje da je zahtjev odobren.
- U slučaju prestanka radnog odnosa sufinansirane osobe, poslodavac nema pravo zapošljavanja zamjenske osobe, te Službi dostavlja sljedeću dokumentaciju za raskid Ugovora:
 1. Kopiju JS Odjave iz Porezne uprave FBiH (ovjerena ili sa bar kodom Porezne uprave)
 2. Kopiju Rješenja o prestanku radnog odnosa (potpisano i ovjereno od strane poslodavca)
- U slučaju da je sufinansirana osoba privremeno spriječena za rad duže od 42 dana ili koristi porodijsko odsustvo, poslodavcu se za taj period obustavlja refundiranje do povratka radnika na posao, a radi izbjegavanja eventualne dvostruke naplate sredstava. Po povratku sa bolovanja dužeg od 42 dana poslodavac može produžiti refundaciju osobi do okončanja sufinansiranog perioda, a najduže do 12 mjeseci.
- Za sve eventualne izmjene podataka iz ugovora o sufinansiranju, radit će se aneks ugovora o sufinansiranju zapošljavanja.

13. KONTROLA I PRAĆENJE IZVRŠENJA UGOVORNIH OBAVEZA

Na osnovu ugovora o sufinansiranju zapošljavanja, Služba će provoditi kontrolu realizacije ugovorenih obaveza, putem dostavljene dokumentacije za pravdanje, a po potrebi i kontrolom provođenja ugovorenih obaveza kod poslodavca.

U slučaju nepoštivanja ugovornih obaveza, Služba će u roku od 60 dana od isteka sufinansiranog perioda, pokrenuti postupak raskida ugovora.

14. INDIKATORI ZA NADGLEDANJE I OCJENU USPJEŠNOSTI EFEKATA

a) Ulazni podaci

- Osnovni pokazatelji kretanja na tržištu rada
- Opis Programa (cilj Programa, ciljna grupa, korisnici, visina subvencije, period trajanja subvencije, elementi Javnog poziva)
- Broj doktora medicine prijavljenih na evidenciju na dan 31.12.2023. godine
- Spolna i dobna struktura ciljne grupe
- Iznos ukupno planiranih sredstava po Programu

b) Podaci o aktivnostima - Izlazni podaci

- Aktivnosti u vezi Javnih poziva (objava, provjera, odobravanje zahtjeva, zaključivanje ugovora i dr.)
- Broj zaključenih ugovora sa poslodavcima i broj osoba iz ciljne grupe koje su zasnovale radni odnos
- Broj osoba iz ciljne grupe koje su zasnovale radni odnos u periodu od dvanaest (12) mjeseci nakon isteka ugovorenog perioda sufinansiranja, kod istog poslodavca
- Spolna i dobna struktura osoba koje su zaključile ugovor o radu
- Planirana/ugovorena/utrošena sredstava po Programu.
- Nivo izvršenja postavljenog cilja.

Kao izvor podataka o realizaciji Programa koristit će se:

- podaci iz portala Porezne uprave Federacije BiH;
- anketa korisnika poticaja (sufinansirane osobe i poslodavci);
- ostala pomoćna sredstva i izvori podataka;

Broj: 01/1-04-1-260-17-3/24

Datum: 29.03.2024. godine

PREDSJEDNIK UPRAVNOG ODBORA

ZIJAD BABAJIĆ, dipl. pravnik

Zijad Babajić



PRIJAVA ZA NEZAPOSLENE OSOBE – DOKTORE MEDICINE

PODACI O NEZAPOSLENOJ OSOBI	
Ime (ime jednog roditelja) prezime	
Adresa	
Telefon	
E-mail	
Stepen stručne spreme/zvanje	
Kratka biografija	

Mjesto: _____

Datum: _____

PODNOŠILAC PRIJAVE

PRIJAVA/ZAHTJEV ZA POSLODAVCE – JAVNE ZDRAVSTVENE USTANOVE

PODACI O POSLODAVCU	
Naziv poslovnog subjekta	
Općina	
Adresa	
Telefon	
E-mail	
Ovlašteno lice	
Kontakt osoba	
Djelatnost	
JIB poslovnog subjekta	
Naziv banke u kojoj se vodi glavni račun	
Broj glavnog bankovnog računa	
Vrsta poslodavca (privatni/javni)	
Broj trenutno zaposlenih	
Broj traženih osoba	

Mjesto: _____

Datum: _____

Potpis ovlaštenog lica

Pečat poslovnog subjekta